

marai dakia

mšaba bliba

bšumaihun d hiia rbia qadmaiia nukraiia mn almia d nhura iatiria d `lauia
ukulhun `ubadia asuta uzakuta hailsa ušrara u`mra ušima haduat liba ušabiq
haTaiia nihiulia Idilia . ulab

. u`l `m . u`l `m

hurintia . u`l zauai

. u`l ahai

. u`l ahai hurinia

. u`l šitlai

. u`l abahatai

.

umanda d hiia nitirSa lšumaihun bit ginzia unilipinun blaupa unihuilun
simaka d lšum hiia `hab zidqa ukdab halin sidria
d nihiulun dukrana btibil unitriS šumaihun bit tušlama tum šabiq haTaiia
nihiulun lkulhun tarmidia umandaiia d bhalin sidria mitaprišia uqala
d hiia Saitin ulhiia qadmaiia mšabilun . mšabit marai bliba dakia
maraihun d kulhun almia mšabit brik umšaba umraurab umiaqar umqaiam alaha rba
rama ušbiha malka rama d nhura alaha d šrara d npiš hailsa usaka litlh ziua dakia
unhura rba d labaTil haiasa utaiaba uriuana umrahmana paruqa d kulhun
mhaimnia umqaimana d kulhun Tabia aziza hakima uiaduia hazaia ušaliTa
d `l kul Sbu maraihun d kulhun almia d nhura `laiia umiSaiia utitaiia
parSupa rba d `qara d lamitahzia ulamistaiak d litlh habra btagh ulašutapa
bšulTanh man d takilbh labahit udmšaba šumh bkušTa lanapil udqaiim ltuklanh
lamištpil mara rba d kulhun malkia d lahua kd d lahua ulahauia kd d lahauia d muta
lasamlh ubuTlana litlh nahur nhura utaqun ziua lkulhun almia umalkia
d qaimia qudamh manhuria bziuaihun ubnhura rba d `lauaihun šria `hablun buta
utušbihta d šralun blibaihun d qaimia banania d nhura sagdin umšabin
uauadin umidninin lmara d rabuta malka rama d nhura d litlh kila uminiana usaiakta
lziuh u`l nhurh ul`qarh d kulh ziua d kulh nhura d kulh tuqna d kulh hiia
d kulh kušTa d kulh rhamta d kulh haiasuta ukulh tiabuta ukulh ainia ukulh
hizuia ukulh parSupia šbihia d šupra d kulh aprišuta uidita ugaliuta ukulh šumia
d `qara alaha rba rama ušbiha hailsa d npiš ulamišia ulasaiph ulaqaiim
lhailsa dilh udkulhun almh hu malka rama d nhura brik bkulhin birkata mn
qdim ulalam almia qadmaiia mn riš briš baruia d kulhin dmauata mšauiana
d šapirata d hu nTir bhukumth uksia ulamgalal hu malka rama d nhura
maraihun d kulhun almia d nhura ram lkulhun `utria alaha d lkulhun malka
d malkia umaria rba d kulhun malkia d ziua d lamištania unhura d larub šupra ušaiia
u`qara d lamitaslia hiia d `l hiia ziua d `lauia ziua unhura d `lauia nhuria
d lahauia minh hasir ubSir nhura d litbh hšuka haia hu d muta litbh Taba
hu d bišuta litbh niha hu marda urugza litbh basima hu d zihira umrara litbh
iatib bgirbia `laiia šaliT iaiia umitgaiia kana d kulhun nahiria uaba d kulhun
`utria bariklun lkulhun almia ušaria lkulhun šalmania kšiTia umhaimnia šumh
bšumaihun triS malka d mdinat hiia d amar bdaria malkuta umitqaiam uziuh
dnih umanhar usaka ukila uminiana litlh hadia bhaduta d lansišuta

hadiabh kulh malkuta Surta hadra ugaiuta d laiit šupra d damilh kušTa
d šria b'mrumia 'laiia mara d rabuta maraihun d kulhun rurbata d laiit d nisaiik
 unimar lhailh dilh ubkulhun almia ulškinata d škinbin u'l 'utria umalkia
d šribin bdaurh uram hu mn kulhun almia aiak arqa mn daiara umarim lkulhun
 aiak šumia mn Turia unahur mn kulhun aiak šamiš mn šragia umtaqan mn kulhun kd
 sira mn kukbia uaitia bsakia d libaihun husrana usimlh tagia rurbia d litbh
 saka lhailh ulrabuthh uap labminiana ulabhušbana mistaiak uazlan
 parahiata d tagh lkul atar unapqan Salahiata d ziua unhura u`qara mn qudam anph
 umn abinia aTirpia d klilh ukulhun `utria umalkia d almia kulhun bbuta
 utušbihta qaimia umšabilh lhahu malka rama d nhura napqin minh hamša
 sakia rurbia qadmaiia ukabiria nhurh dnih `lauaihun utiniana riha basima
d našim 'lauaihun tlitaia haliut qalh d bgauh rauzia arbaia mimra d pumh
d bgauh naSiblun umaudilhun hamšaiia šupra d dmuthh d bgauh mitrabin aiak
 piria bšamša pta pumaihun kulhun 'utria umšabilh lhahu malka rama
d nhura uamrilh man nišabak uman niraurbak uman nibirkak uman niuqrak
 uman niqaimak 'u nišabak btušbihtak tušbihtak saiakta litlh `u
 nibirkak bbiriktak biriktak napša usaka litlh `u niraurbak braumak Iraumak
 mašihta litlh 'u niqaimak b'umqak l'umqak kšaša litlh `u nimar lhailak
 uziuak unhurak npiš ziuak mn mimar bmimria uiatir ukabir nhurak mn
 amlulia u`štaiuiia bmalalia ubirkthh uTabuthh uraurabhh d malka rama d nhura
 parian unapqan ulamistaikan ulaiit d iadalun uparišlun lbar mn hiia
d aluatak u`utria ušlihia d lqudamak qaimia almia kulhun šumak laiadia
 uamria malka d nhura uamria lhdadia man šuma lnhura rba uamria
 laiit šuma aiak šumh ulaiit d niqria bšumh ulaiit d niqum lkinianh
 Tubaihun lšalmania d 'duk bliba dakia u'dikruk bruiana kšiTa haimanubak
 btirata mšalamata ubirkuk bpuma d kula tušbihta ušabuk blišana triSa
 haimanubak bsipia mhainata uamria had hu malka d nhura d malkuthh ulaiit
d rab minh ulaiit d minh nirmia qraba ulaiit man d bdmuthh nidamia
 ulaiit d narim ainh unihizia ltagh d brišihh d hahu malka rama d nhura d lanapil
 tagh mn d brišia Tura hu rama d lamandilh ziqia d aiar lbiš lbušia hadtia
d šupra d lahun mn lbušia d hazin alma ulamrat atuāt d nišauia lbušia lmaria
 tagia ulaamrin ulamSiin bnia amamia d ninSabulh ksua 'l kadpia ulabalia lbušia
d lbiš ulanapil sasa hbala bksuih ularba šamša d lqudamh uladaikia
 pasimkia d mdinth lahaimia tagia d brišihh ulanatria aTirpia d klilh
 unapiq riha basima mn abinia aTirpia d klilh d mn qudam anph umitkarkibh `utria
 urauzia šbih qam ugabir 'l kulhun alahia d briš kulhun daria hua malka d mn
 qudam ulaqistaiak šumh bpuman ulakinianh bit spihatan daiana hu d atrh d litbh
 kadba bpumh mtaqin kursia d rba `laia d lamištania lalam almia
 lau nangaria d pagria d mtaqiniun kursia d atutia lau ardiklia d Tina d bnun
 batia mutbia malka hu d mn laqadmia d qaima malkuta ulabaTla d laritlh
 halSa bdahalta ulamiTilh hauqa uziuihta d bnia hšuka ulaqamlh biuma d zihua
 ulamaTialh šita d rugza uziuihta malka d nhura mamlik btaga lalam
 ulitlh buTlana lmalukthh mlik šlih uiaqir bmdinth hdirh šuria rurbia
d dmasa malka d rurbania npiš 'utria uiatir šlihia urab mn malkia d atar
 atar hadia hu hadia mdinth hadiabh kula malkuth litlh aba d qašiš minh
 ulabukra d mn qudamh hua litlh aha d paliglh mnata ulatiauma d bkiSat hradia
 laqiblh ulapliglia mnata ulahauia plugta bmdinth ulanaksia
 nakusta qudamh ulaklia bisra lsaba ulašatia hamra d šiha ulazamria
 qudamh zmara d aula ulakum lbuša d lbiš ulahaimia tagia d brišia
 ulanatria aTirpia d klila laqal numbia d hauia batrh ulatkalh d bnat anašia
 lahalpa šlanda qudamh ulamTanap daura bmita la`bidlh qraba d taqip ulaqamlh
 biuma d zihua hadibun malka bbnia nhura uqaria lhad ualpa anilh bminilh
 naSib `utria ubmimra d pumh marim tušlimia malka d kulhun 'utria uškinata taga rba

d briših mruma niha mkabiš taqipia haila d lkulhun mardia brikít umšabit mn
zban u'dan dalam rab hu šulTana napšak mn malkia kulhun d atar hšuk
šri'it batra d nahur utaqun ušapira umraurba hah' arqa d šriatbh brikít
bdur Tabia umqaimit batra d kulh birkta anat bgauh hadit uruaz libak
bkulhun daiarak aítak mn iuma qadmaia mqaimit dalam almia bhaila rba ubmimra
kabira amar hun malkia d nhura umn ziaua dakia umn nhura rba kabira d labaTil
prun hun u'tqaiam malkia d tušbihta d saka uminiana ubuTlana
litlun d kulhun btušbihta mlin uqaimin umšabilh lhahu malka rama
d nhura d ziuu npiš mn mimar bpuma d bisra uzma unhurh kabir mn
amlulia bspihata taqun ziuu unahur nhurh lkulhun almia taqna umanhira
rqiha d bgauh šrin alma d qaiimbh buTlana litlh alma d ziaua unhura d habara
litbh alma d nihuta d mriduta litbh alma d kinuta d šigša uTirqa litbh
alma d busmania d riha d saina latbh alma d hiia d dalam d buTlana umuma litbh
alma d mia hiia d brihaiun malkia rauzia alma d Tabuta d bišuta litbh balma
d kušTa uhaimanuta d kadba unikla litbh alma hu dakia d 'urbana biša litbh
mšabilh malakia d ziaua l hahu malka d nhura bziaua unhura d 'hablun umšabilh malkia
d ziaua blbušia d ziaua d 'hablun mšabilh malkia d ziaua bksuiia d nhura d 'hablun
mšabilh malkia d ziaua bhimiania d ziaua d 'hablun mšabilh malkia d ziaua
bklilia d ziaua d 'hablun d traSlun mšabilh malkia d ziaua bhaila ušrara d 'hablun
mšabilh malkia d ziaua bkušTa ulaupa uhaimanuta d 'hablun kulhun nihia hakimia
ubasimia d bišuta ukadba unikla litbun lbišia lbušia d ziaua umkasin ksuiia d nhura
ušrin uškinia luat hdadia ulamaskilin had bhabra ulahaTin bihdadia
uiaqarin l arqahaiun udaman aiak zapa laina utiratun galian
lhdadia uqadmiata ubatraiata iadin alip alip parsia rahiqia mn
hdadia ubziaua d hdadia nahria ubriha d hdadia basmia ukušTa lhdadia
pašTia u'uSraihun paršia uhinun mrahqia mn kul muta uhbila d muta lasamlh
ubuTlana litlun ulasaibin hailaiun labaSar ubkibia umumia
lamitlabšin lbušaihun laakum uksuiaihun lahašuk uklilaihun lašahin
ulapaiin d Tirpa minaihun lanatria ukul mirba rabin haiia umitqaimia l
duktaihun lanaidia ulamizdranbia litbaihun saba d saiib ulaiahTa d mn
kras mh npaq laiit dina bmdintun uap hinun hdadia ladainia lakapnia
ulašahin hauma ubarda ubišuta urugza litbun laqarbin qraba mn hdadia uap
labšibia mištbin arqahaiun hiua bala lh ladamin urihša biša mn gaua lanpaq
'uSa biša laiit b'lanun ulamrara bpiria dauraihun
'bibaihun laSauin ulaiabšia uaTirpia d lania lanatria batraihun sasa
uhbila lanapil škinatun buTlana litlun šaliTania mridia
d lahaisuta 'lauaihun lamšalTia mridia rgizia d larahmuta bdauraihun
laiit arqahaiun mdalian uraman bintaihun batia bit tušlima šaliia
unihia iamamaihun ulaiit `ria d bgauaihun iardnia d almia d nhura mia
hiuara mlin huiaria mn halba uqariria ubasimia umaziz rihaiun mn gupnh
rurbia d busmania u`utria umalkia d šatin minaihun Tama d muta laTaimin
ulitlaihun ium d biš unsis utaqip uap lakariuta bnišmatun ulitlaihun
miniana lšnaihun lakila lkul haiutaun ukulhun hadin urauzin bhadta
d lansisuta umasgin bqalil sigia umiTasasin bhah` arqa d aiar huiartia
uziuu d dnih `lauaihun ula`rub bh hšuka hinun almia d nhura bsakia d napšia
'tinhun umpalgia barqahata uškinata uiardnia u'lania u`utria umalkia
uziua unhura utuqna d 'lauaihun šria umiSra binia hda l hda
laiit unahra utaqna dmauatun hizua d parSupaihun zgig utaqun badmu bilur
dakia ukul ium mitinSiblun umištarlun haila uqala umimra zakuta mn
qudam malkaihun d kulhun almia d nhura hinun kulhun qaimia bbuta utšbihta
usidria udrašia šaniia uiabihl dnuta u'ruta utušbihta lmalka
rama d nhura umalakia d hinun mn malka rbaihun unapiq riha basima
mn binataihun ukul busmania d haduta lau misma d `kuria ulau riha ubarata

d kul `stirata ukulhun raurzin
mn hdadia akuat anania miTra `l `lania ubazrunia d arqa
uaitinun batuata d šupra hizua udmuta Sauta hda mn hda šania hda mn hda
nahur malka rama d nhura brik umšaba šumh lalam almia u`utria umalkia
ušlihia uparSupia udmuata arqahata uškinata arqia ubiniania uiardnia
u`lania uziua d `lauaihun šria mn malka d nhura hun `utria umalkia mitqiriin
umn arqa iardnia u`lania mitniSbin umn ziua unhura lbišia uksuiia
uklilia miSTararin ulaiit minaihun d hauia minh hasir ubSir hahu
atra d hiia kušTa uniaha ušrara šalma uhaimanuta d kul `niš lau msakilh
u`lauh hauilh ruhSana hadibun malka bbnia nhura uhinun bgauh šahbia
binataihun uškinatun bziua unhura bni`in uašiatun šrara utuqna uziuaihun
šania mn ziuh d šamiš usira utuqnaihun taqun mn tuqnh d hazin alma ziua
d alma hazin `tba mziguta uziua d hanath tuqna d litbia durdia hinila ziua
d alma hazin `tinSib bdmuta d hanath ziua akuat humria uaSaSia d badmu
marganiata aitinin arqahaiun lsadana laiatbia urqihaiun bgarglia lahadar
kukbia šuba `lauaihun lamasgia hamša utrisar bhilqaihun lamdabria aqapra
bšbilun laiit uTina biardnaihun lamitaška uqalia hinun bsagiahun
akuat liba d br anaša d bligria lasagia ubšita lkul atar uqalil unih
sigiahun d šamiš mitahzin bainaihun d bnia d adam d zaliqia maTin mn `šumia ualma
larqa ukui bagin bihdadia šahlia ulabšia b`uSria d hdadia ulahaTin
ulasaklin bihdadia akuat ziua d šamiš uziqa unura umia d alma hazin
`kiltaihun mn birkta d iardnia upiria u`mbia u`lania ulitlaihun saka uminiana
umiSra lzakuatun ulanaška d nimar `l hailahun akuat d amar `u pagra saria
nišabak `u lišana baTla hin puman kd iama nihuia ulišanan kd Turia gziria
d bgauh uspihatan kd trin kiph lamaTialin d nisaiik unimar `l hailak
dilak marai ukulhun almak hinila liška d mSia d nisaiik unimar lhailak dilak
Tubh lman d nidak uTubh lman d amar biadilak Tubh lman d piršak uTubh lman
d pariš `lak Tubh lman d nisibra bšrara uTubh `l man d sabar `lak Tubh
lman d sbar mn hukumtak utparaq mn T`ia ušigša d hazin alma Tubaihun `l šalmania
kšiTia umhaimnia d `duk upiršuk d salqia bzakuta hazila latar nhur brikit
umšabit marai malka rama d nhura mn ium ulalam almia bmimrak hua kul mindam
u`tiqria u`štadar `utra mn qudamh d hahu mara d rabuta d hu hibil ziua šumh
ugabr`il šliha mitiqria kd Sba malka rama d nhura mn ziua unhura d qaiimbh qran mn
škinata hanath d hu rba liaminh škin uamarlh asgia `zil lalma d hšuka d kulh
bišuta mlia kulh mlia bišuta uml`ia nura akla alma d mlia kadba unikla
zr`ia bkuba uaTaTa alma d šigša uTirqa d tuqna bgauh litbh alma d hšuka
d nhura litbh alma d `sruta d riha basima litbh alma d ridpa umuta d hiia lalam litbh
alma d baTlan Tabauata umhašabata lašalman uamarlh d `zil kbuš hšuka urazia
d minh gbil msia arqa ungud rqiha Sar bgauh kukbia hab ziua lšamiš
utuqna lsira uSahamta lkulhun kukbia hab busma lmia uSauta lnura uqria
piria u`mbia u`lania d mrauzibh balma nihiuian hauaniata ubiriata ununia uSipar
gadpa ukul šurbta zikra unuqubta d nihuilh puhlana ladam ukula šurubh
unihun gabra u`nta nihuia šumaihun adam uhaua umn malakia d nura lqudam
adam ništabdun kulman d miniltak abar nistar bnura d iaqda nihun
tlata malakia d ziua unhura uSauta ladam nihuilh nitun mia hiia
unirbun bmia tahmia briha d mia hiia niruaz kulh alma nitun arba ziqia
uaiar d mnašim almia tihuia nura utishiT bkul pagria upiria u`mbia u`lania
utikul `kilta balma kd akliia `kilta balma nišga utuqna d `it bmia
lnišmata nitmnia `špita d `kilta lpagria nitimnia ukul bazrunia upiqunia
urihanian ubusmania u`uSanian usamania hiua bira uSipar gadpa uTabuta ukul
mindam d Tab ušapir nihuilh puhlana ladam ukula šurbh alma hanath ninhar
biad ptahil uamar malka rama d nhura bmimra hua kul mindam bmimrh uata
ptahil uarim `šumia unigdh `l rqiha umisia larqa d tibil uqrunun `l

malakia d nura u hablh ziua lšamiš utuqna lsira uSihma lkukbia
uasqinun `l `spiria d `šumia u`tinSib ziqa unura umia u`tinSib piria
u`mbia u`lania usamania ubazrunia urihania uabad hiua bira hiua bala d kul guan
umn aqapra usumqa ušpita udurdia d anania d ziqa unura umia uTuhma uzma
umirta urazia d alma hazin d adam uhaua u`tigbil bhailh d malka rama
d nhura unišimta badam uhaua niplat kd npalbun nišimta bginat `lania
hun kd hun bginat `lania mindam lahkum ulapriš amar malka rama d nhura mn
malakia d nura lqudam adam ništabdun nitun unisigdun lqudamh
ulanišanun mn mimra had hu biša d bišuta minh `tgiblat usTa mn minalat marh
u`l minilat marh laqam kd laqam lminilat marh bmarkabth b`sura d alaha
`star ana šliha dakia qran upaqdan marai uamar `zil qrilh qala šania `l adam
ulhaua zauh ulšurbath kulhin qala šania qralun uaprišinun lkul Sbu `l
malka rama d nhura maraihun d kulhun almia d haila npaš ukabir d saka
uminiana litlia lmalia d tušbihta d qaimia umšabia ulabaTlia `l almia
d nhura d buTlana
litlun aprišia `l adam d ninhar libh uqaimh d ninhar `uSr^h hunh uhananh hualh
Sauta anat utrin malakia d minak nasgun lalmia aprišlh mada ladam u`l haua
zauh ulšurbath kulhin amarlun d laništiplun ulanišTunun bišia usaTania
d lamitakšar alpunun buta utušbihta d nirmun unišabun lmalika rama d nhura
maraihun d kulhun almia tlata zibnia biuma utrin zibnia blilia uamarlun lguT
zaua u`tkanan minaikun nitnapaš alma kd aluat zauaikun qarbitun sun mia udakun
napšakun latigirun ulatiginbun ulatiligTun bnat anašia ia šalmania
umhaimnia ia mhaimnia ušalmania latipkun mn mamlalkun uaula
ukadba latirihmun ulatirihmun dahda ukaspa uqiniana d hazin alma aminTul d alma
hazin baTil uabid uqiniana u`bidata mištamra latisigdun
lsaTana ulpatikuria ulSalmata ulT`ia ulšigša d alma hazin d man sagid
lsaTana napil bnura d iaqda alma liuma d dina ualma lšita šaiia d purqana alma
d Sabia malka rama d nhura d daiinlun lkulhun almia daiinlin lnišmata kul `niš
kd `ubadia `dh abid latilpun haršia d saTana usahduta d kadba latisihdun kd
dina dainitun turSia ldinia latipkuia `u msahdia anašia d kušTa nisihdun
kulman d apik dina aklalh nura d iaqda latimisrun abdia kširia biad
maruatun bišia umaka ltaqipa latatnun auqar aba u`ma uahia qašišia akuat
aba ubra d mašiT aba u`ma biuma d dina mithašab ulatihzun ulatirgun ulatibun
mindam d lau dilkun hu hin iahiblkun maraikun hinila `lauh bhaTaiia
latikadšun aminTul d bSubianh d maraikun kul mindam bTabuta ktav
u`hablkun kd bišuta maTialkun sbul uašar bhaimanutkun ulatišanun
ulatipkun mn mamlalkun ulatišiplun burkaikun ulatikibšun
rišaikun ulatisigdun lsaTana rgima napla kulman d lbišia upatikria
ulSilmia sagid rhuq minh ulatihuilh rahma `u baiitulh urahmitulh
ašmuia ktabia umimria utušbihta d hablkun maraikun hin šama
umhaiman usahid bmalka rama d nhura alaha d mn napšia hua ruhmuia uluataikun
qarbuia kul mindam d tlh aTpuia hin lašama ula sahid ulamhaiman bhaTaiia
d napšia ništaial hazitun br šibia d mhaiman ukšiT hab pruqa uparquia
ulau balhud zahba ukaspa nišmita tiparqun hinila bkušTa
uhaimanuta ubmimra dakia d puma nišmata tiparqun mn hšuka lnhura
umn T`ia lšrara umn siTia umriruta lbuta utušbihta umn kapruta luat
mhaimanuta d maraikun man d niparaq nišmata nišauilh daria ualmia `lkun
amarna bhirai `lkun maprišna mhaimnai `hab zidqa `l ania u`l `šiq
huilh paruanqa ukui iahbitun zidqa bhirai latisihdun `u msahditun
latatnun `u iahbitun biaminaikun latimrun lsmalaikun `u iahbitun
bsmalaikun liaminaikun latimrun kulman d iahib zidqa umsahid mikpar minh
ulamihšiblh kulman d iahib zidqa uTabuta bnpiš abid haizak kapar mn zidqa
ulaiahib napil bnura d iaqda alma d haTaiia šalmia uhaubh

kulhun mitgamria bhirai `u hazitun man d kpin sibua hazitun man d Shia aşquia
 hazitun arTlaia smulh bSurh lbušia uksuiia aminTul d kul man d iahib nasib ukul
 man d lamaršia mitapra kulman d zidqa iahib zidqa rba hauilh iahib `da
 d lbušia larTilaia malbiš saimlh bSaurh lbušia uksuiia d mpariq br šibia
 napiq alanph šlihia d hiia d baiin umitapriš naSbilh adiauria d qaria qala
 d hiia bnina umqaima bint d mitaprišbh btušbihtai kul iuma šumh
 dakria batar nhur d manharbun bmamlalai hatam b`utria mihšib d mitparaq mn
 siTia d bišia adinqia haTaiia uhaubh nisaq nihizia latar nhur kulman
 d brahmur marh pagrh lgaTlh našlim zakaia d muma litbh `lkun amarna bhirai `lkun
 maprišna mhaimein Sum Sauma rba d lahua mn mikla umašqita d alma hazin Sum
 ainaikun mn mirmaz rimza ulatihzun bišuta ulatibdun Saum `udnaikun
 mn maSutia `l babia d lau dilkun Sum pumaikun mn mimar kadba d aula
 uzipa ušiqra litirihmun Sum libaikun mn hašubia bišuta usina qina uplugia
 blibaikun lanihuia d man d lagiT qina šalmana lamitqiria Sum `daikun mn
 migTal gaTla ugnubta latiginbun Sum pagraikun mn zaua d lau dilkun h` Sum
 burkaikun mn misgad lsaTana ulSalamata d zipa latirbkun Sum
 ligraikun mn masguia bnikla `l d lau dilkun hu Sumuia lhazin Sauma rba
 ulatišrna alma d napqitun mn pagraikun man d bianquth haTia tum lahaTia utaiib
 lnapšia ulamaskil taiabuta d marh tihuia `lh hu milka rama d nhura
 haiasa utaiaba umrahmana hu šabiq haTaiia uhaubh hu kulman d zahba ukaspa
 uqiniana d alma hazin nirhum `lh gaTla nigTal napil bnura d iaqda umhababa
 bhirai lanihuilkun uruhSana lmalakia ušaliTania umarbia d hazin alma ula `l
 hailsa uzaina utaktuša ukinpa d kanpia ušibia d šabin balma hazin ula ldahba ula
 lkaspa šagiš tigma rmlun qanin ušabqin balma uazlia bnura bašlia
 b`daihun b`daihun badin gumria ubspihatun msarsipia iaqdana baTil šauTun
 ušulTanun umistakarlun giutaihun ladahbun ulakaspun laqaiimlun ulahauilun
 bahid `da laargbaiun ulamintnun lahauilun pirqa auda usaipa malkutun
 udina minaihun mitmar `lkun amarna kulhun d šamin šuth d alaha
 lmiqmaikun ulmitbaikun ulmizlaikun ulmitiaikun u`l miklaikun
 ulmišitiaikun ulmišlaikun u`l mišikbaikun lkulhin `bidatkun adkar ušaba
 šumh d malka rama d nhura parun iardna u`STbun Sbun nišmatkun bmaSbuta
 haita d aitilkun mn almia d nhura d khuln šalmania umhaimnia bgauh
 `STba bruk lpihta uakul ušaba lmambuha uštun d šabuq haTaiia uhaubh
 hauilkun kul man d brušuma d hiia ršim ušuma d malka d nhura madkar `lh
 uašar u`tqaiam bmaSbuta uabid `ubadia Tabia ušapiria `niš b`uhra
 lanikatr latiklun zima d hiuaniata uladmaita uladbaTna uladnapSa
 uladqaima ula d napil hiua bala `lh hin`la bparzla nkus uhalil uašig
 unaqid ubašil uakul ulatiklun ulatištun mn bit babia trisar
 kulhun Tnupia umkairuta mlin ia gubria d naSbia ziua alma zaua minaihun tiligTun
 rhum uazbar hdadia akuat ainia d bligria mizdahra rhum uazbar hdadia u`bruia liama
 rba d sup aminTul d ahia d bisra baTlia uahia d kušTa mitqaimia hun anatum
 ahia d kušTa masqitun rahmutkun lriš d šumh qadmaia triSlun brišaikun
 rušumaikun rušma d mia hiia d salqitubh latar nhur `u `marlkun bhirai tišmun
 `paqidtinkun tibdun `tilkun mn ziui d npiš umn nhurai d saka litlh
 tiriuzun bit hiia akuat `utria d nhura d rauzia batar nhur `u d `marlkun
 latišmun
 d `paqidtinkun latibrun tiplun bhšuka d naplibh bišia ulasalqia Tubh lman
 d šuma uhaimein saliq bzakuta uhazilh latar nhur bišia d šumun ulahaimin
 anpaihun azbar liama rba d sup bhirai `tnakrun mn mardia d daura baTla d kul ium
 ukul iuma `l karsauata d mirda iatbia iatbia lkarsauata d mirda
 u`bidata ubšauTa abdia `bidata abdia bšauTa ukušTa uniaha ušalma litbun
 latisbun rbuta bdahba ukaspa ulatišTun d rbuta d muma nasib mipsiq
 šumh mn atar nhur kul man d mn pagrh napiq `lh latibkun u`blia

umalia `lh latiligTun ulhama d gibia `lh latiklun kul man d `l mita bakia
 naqmunh banzabia d mia kd d mlin d lbušia bSaurh niSria nihiulh muma b`uSTlia
 d manzia nišmuT `lh nisirunh bTura Tur haška `zil aniaa
 udaniaa umradpia `l napšaikun bkun d kma d aitinkun balma
 haTaiakun napšia `l kariaikun `l nišmata d napqa mn binataikun aiTa
 ukariuta kpar mn libaikun u`blia umalia dhun mn bataikun aminTul d mn `blia
 umalia sahria udaiuia mitgiblia uqadmilin lnišmata b`uhra umahiqilin bit
 maksia `u baiitulin urahmitulin bun `lauaihun rahmia ubuta utušbihta
 udruš drašia uqrun sidria u`bid masqata d rba brahmia mitimlia `lauaihun
 unizal ziuu mn qudamaihin unitia nhura mn abatraihun ušlihia d hiia mn
 iaminun ubalkia d nhura mn smalun unitparqa mn maTarata umn dudia
 d rahta aprišunin lnišmata d lanitakšal libaihun ašmunin malalia nihia
 utušbihta d aititilkun nišmun unisihdun uninha libaihun `l samka hab lhama
 umia ušpinza lbnat anaša aniaa umradpia d ridpa miTilun adrik dirkia
 d kušTa uagra d`giria luataikun lanibut latigizlun mn šutapa umn
 rahmaikun bnikla latiqmun man d gazil mn habrh ušutaph ainh nhura lahazia
 pšuT iaminaikun mn hdadia ukušTaikun latikadbun aminTul d `utria umalkia
 d nhura laupa ukušTa lhdadia iahbia ia bhiria ukšiTia umhaimnia rhum
 hdadia bkušTa uasiq rahmutkun lriš hun nihiua umkikia luat malpania kinia
 d hukumat šrara malpilun latinisbun rbuta `lauaihun umuma
 lnišmatkun latinisbun latizlun luat kaSumia ukaldaiia d kadba d hinun bhšuka
 mištiknia latimun `umamata d kadba u`umamatkun latipkun latikuln hbulia
 uhbul hbulia latidainun bhšuka haška latigirun ulatiznun ulatizimrun
 ulatiriqdun ulaništbia libaikun `l zmara d saTana d kulh haršia
 uzipa umasTianuta mlia uapik `uSraihun d šalmania umakšil libaihun
 d mhaimnia bhirai `zdahar u`zdaraz u`tiqrun mzarzia balma ašar balma
 subluia lridpa d alma alma d k`laikun šalimlkun hun simaka uadiaura
 lhdadia ulšalmania d ridpa maTilun kd bzadanuta rahta qumtaikun
 `uSraikun anha umakik libaikun uqabil mn minilat maraikun aminTul
 d ruianh d zidana mn zidh d saTana mitimlia d bhaimanuta lamitmakak bhirba
 usipa migTil d lamigTil bhirba usipa napil bnura d iaqda hazitun Taba d sbir hukmta
 qrub luath uqabil minh mn hukumth `u hazitun biša d hakim lbiš rhuq minh
 ulatihkun mn hukumth ulatibkun mn `bidath ulatasgun bdirkh ia
 mhaimnia ušalmania kul d `lauaikun snia bhabraikun latibkun bhirai `bid
 `ubadia Tabia uzauid zuadia l`uhraikun hzun ušuma umhaiman uqablu lminilat
 maraikun hzun bainakun uamar bpumaikun ušmun b`udnaikun uhaiman blibaikun
 uabid b`daikun zidqa uTabuta uabid Subian maraikun uSubianh d saTana latibkun
 ulatiriSun `l špur pagria d mn šilia mithamblia asgun bminilat maraikun
 d tisqun bzakuta latar nhur kbuš usgud ušaba lmalka rama d nhura d haTaiakun
 uhaubaikun ništbilqkun latisigkun lsaTana ulSilimia d zipa d hazin alma aminTul
 d kul d mitlid maiit ukul d b`dia mitbid mithambal ualma kulh saiip ubaTlh
 alahuta d bh bhirai lanihuilkun ruhSana `l alma d qaimitubh
 aminTul d lau dilkun hu nihiulkun ruhSana `l `ubadia šapiria d abditun d kd
 napqitun mn pagraikun tistimkun `l `ubadia `udaikun bhirai lanihuilkun
 busiana `l puqдания d maraikun paqid tihuilkun kinuta unihuta
 umkikuta d mn kiana d nhura hua tihuikun tiabuta uhaisuta
 uriuanuta umrahmanuta d mn nhura hu ia gubria d lagTia `nšia ia `nšia
 d lgubria hauian ia gubria d lagTia `nšia banun banunia ulguT `l
 lambaninitun ulagTitun mahra barsa sbul hin`la `l `ubadia sainia d abda
 maprišnalkun `l kul atuat d gaira gaura u`l kul atuat d gnutba ganba u`l kul
 atuat d abda haršia umSaira bpagra nišimta d `l alaha labasima u`l anašia lašapir
 aminTul d damia lkiba biša d asuta litlh latiligTun amta d lapriqa ulatiškun
 bnaikun bit maria iuma d abda maskil ulibh d marh ragiz `lh haTaiia d haTia abdia

brišia d abuia salqia hin lagTitun d priqa lguT uTabutak bnpiš iatira unapša
 lguT rahmut kušTa mn zaua d kušTa latipkun mn hdadia alma d kilaikun šalim
 aminTul d man d nakil bzauh d husrana ukadba unikla litbh_h rahim uraiig
 rgita d tibil dinh_h minh_h mitmar kd hauilkun šitlia umitqaimia ukd maraihun paršia
 alpunun hukumta d šrara udirkia d kušTa adrukunun hin lamahuitulun ulamalpitulun
 bit dina mithaibitun `u malpitulun ulaialpia bhaTaiun d napšaiun
 ništaiun zibna Salia `niš ahdar aqmuia usumkuia trin zibnia Salia nišma
 ahdar aqmuia usumkuia tlata zibnia Salia nišma ahdar usumkuia uašmuia ktabia
 umimria ubuta utušbihta d maraikun hin samkitul_h ulamistmik `uqruia lgupna
 biša uaitun Taba batrh_h štul aminTul d qrul_h b`udnh_h ulašma hauiuia
 bainh_h ulahza hauiuia ulahza bainh_h misap saiip liuma d sup napil btasniqa
d naplibh_h bišia ulasalqia hin hazitun anašia d muma d pagria `tbaiun
 latisun ulatigihkun aminTul d pagria gbilia bisra uzma bkibia umumia
 mitaslin nišmata bkibia umumia lamitaslia hin`la mitaslia nišmata b`ubadia
 sainia d abda `lkun amarna bhirai `lkun maprišna mhamnai
 latišabhun lšuba utrisar mdabrania d alma d radin b`umama ulilia d hinun
 mašiTil_h lkana d nišmata d mn bit hiia lhaka `thib latišbuia lšamiš usira
 manhirana d hazin alma aminTul d hazin ziua lau dlun hu hin`la `thiblun
 lanhurh_h lšaura haška hin malakia d baita qrun qala napla latišabhuia
 lšamiš d hu adunai šumh_h qaduš šumh_h `il `il šumh_h tum `tlia šumh_h kasiia
d lamitgalalia balma d adunai ama alnapšia gabia ukaniš lnapšia kništa mitbinia
 `urašlam mahuza mdinta d iahuTaiia d napšaihun bhirba gazria umn zmaiun
 banpaiun Tarin uladunai sagdia gubria šabqia zauaihun uazlin luat hdadia šakbia
 `nšia bdaštanin hinin bhana d gubria šakbia apkia mn šuta qadmaita uktaba
 lnapšaihun abdia `lkun amarna bhirai latihun minaihun d mn maraihun znun
 latirbun mn iahuTaiia d bhad mamla laqaimia umn ama d iahuTaiia kulhun
 amamia ubabia minaihun npaq uhun nbihia d kadba uzipa d masgin d ailia mn
 malakia d husrana bmarbaiin d `nšia u`nšia baTnibun ubzma udaštana iadlilun
 hukumta mn libaiun mapqia uramibh_h šibia balma uqarin lnapšaihun alahia
 ušlihia d alaha masqin lnapšaihun upagria labšia umidamin badmu gubria
 uktaba d zipa kadbia ubzharia mzahrilun Sluta d kadba mSalilun ušiha urhimta
 ušagra ramin `l anpa d arga unbihia qaria lnapšaihun uana šliha qarina
 maprišna uamarna lkulhun naSuraiia d hun udhauin umitiadlin latišmun
 lšutaihun umn `uhra d hiia latišTun bhirai latihun minaihun mn halin
d bhda mamla laqaimia aprišunun lmalalun d hinun hdadia mkadbia umalka
 lmalka habrh_h mganilh_h unbihia bnbihia mkadib uqarilun lbnat anaša
 umrahmilun ubdahba ukaspa ubargba uminuna ubragagta mragiglun
 umaSTilhun u`it minaihun bzmara urqada ušiha šabilun u`it minaihun
 bSilmia d dahba ukaspa ubSalamata d qurqsa uprikia d Tina ub`ubadia baTlia
 masiTilhun u`it minaihun bhirba usipa umhita uqraba utaktuša ubhauqa
 uziuihta kabria `lauaihun umahiqilun uamrilun ubla Subianun abdia d šibiahia
 mšauilun u`it minaihun d bkinuta ubšabšuta ubhaliuta ubnikla uzipa
 masTilhun lbnia d adam ušumh_h d alaha ramilhun bpumaihun uamrilun d halin
 ktabia umimria d `hablan rba u`lat uarbibhun malalia d abuhun mistakra uauda
 nišmata uapkil_h llibaihun ušiTia ramibh_h balma uana šliha dakia
 amarnalkun latišmun lšutaihun d nbihia d kadba d damin napšaihun bnbihia
d kušTa umidamin badmu tlata `utria d asgun lalma ziuaihun lau ziua hu
 ulbušaihun lbuša d nura hu u`it minaihun d lbušia d hšuka lbišia uksuiia
d habara mkasin urihaiun snia uzapur `lkun amarna bhirai `lkun qarina
 umaprišna mhamnai lbuša hiuara u`tkasun hiuara badmu lbušia d ziua
 uksuiia d nhura utruS burzingia hiuaria badmu klilia rauzia
 uasar himiania d mia hiia d `utria asria bhalSaiun usum msania sdiqia
 ulguT margnia b`daikun akuat margnia d mia hiia d `utria lagTia batar nhur

ia mħaimnia ušalmania latimrun mindam d laiaditun ulaglilkun ulaiit 'niš d glilh
 kasiata albar mn rba u'laia d iada upariš 'l kulhun bħirai zariz napšaikun
 bzaina d lahua mn parzla zainaikun naSiruta umalalia kšiTia d atar
 nhur mluk mulkania šapiria lħdadia akuat d mzhritun umparqitun akuat
d hazitun bainaikun uqaritun bpumaikun ušamitun b'udnaikun 'bad 'ubadia Tabia
 ušapiria latidamun lšitlia bišia d mia šatin upiria lmaraihun laiaħbia
 bħirai hzun d amarilkun 'l nhura d saka uminiana litlh amarilkun 'l hšuka
 u'l unra iaqda amarilkun 'l saTana d hailsa ušrara litlh ulamSia napšia
 lparuqia mn d nura akla uiaqdana haza h' šuta qadmaita d 'thiblh ladam gabra
 riša d šurbta haita hda malala hua hda sahđuta huat haizak alma
 bħirba umutana 'tinsib u'titlun lnišmata d bħanath mapiqta mn pagraiin
 napqan unišmata adinqia haTaiia uhaubia lnhura salqa haizak paiiš ram
 gabra urud 'nta riša d dara mitqiriin haizak alma mitiaiar minaihun ualma mitnapaš
 u'titlh ladam gabra mikil alpa d šnia umn adam gabra ualma lram urud tlatin
 daria hauin kulhun bhda masiqta lnhura salqia aminTul d bhda šuta
 qaimia ubhda malala masgin ubhda tušbihta sahđia utum mitinsib alma
 bħaqdana d nura upaiiš šurbai gabra ušarħab'il 'nta unišmata kulhin mn
 pagraiin bħanath masiqta napqa ulnhura salqa aminTul lamkadbja bšuta
 qadmaita ulapkia bmalala qadmaia tum alma mitiaiar umitnapaš umn ram urud
 ualma lšurbai ušarħab'il srin uhamša daria hauin tum mn abatar šurbai
 ušarħab'il alma bTupania mia mitinsib upaiiš nu d kauila ušum br nu ualma kulh
 bmia mitinsib aminTul d ktiblun bħanath mapiqta mn pagraiin nipqun
 unišmata lnhura salqa mn dara d šurbai ušarħab'il ualma ldaria d nu
 hamisar daria hauin umn nu gabra alma mitnapaš ubhda qala utušbihta
 nisihđun hda malala 'tiqria ana šliha d ħiia utrin malakia d minai umn nu
 gabra ualma d mitbinia 'urašlam mahuza šita daria hauin uakla alpa d šnia
 bruhSa umitlid hauia šlimun malka br dauud hauia malka d iahud ušaliTa rba
d 'urašlam usahria udaiuia qudamh ništabdun ubSubianh dilh masgin alma
d bnapšia ništaba uTabuta d marh lamqabil haizak sahria udaiuia mn malalh
 apkia umalkuth minh mitnasba uhauia mšiha nbiha d iahuTaiia qala lšibiaħia
 qarilun ubiligTta lagiTlun 'niš 'niš 'l dilh mikadaš masTilun šuba daiuia
 masTiania lkulhun bnħ d adam had šamiš šumh utiniana ruha d quđša 'stra d libat
 amamit šuma tlitiaia 'nbu mšiha kadaba d mkadib bšuta qadmaita arbiaia sin d hu
 Saur'il šumh ħamšiaia kiuan šitaia bil šubaia nirig daiuia d bit šamiš
 dahba ukaspa urabut karsa iahiblun lsagadun ušliħia mšadar lalma ulšamiš
 ulsira masgidilun lbnia anašia daiuia d libat šiTia ugaura upirSa uzaniuta
 ušiha ušagra uzmara uħaršia
 šarin 'l bnia anaša daiuia d nbu mšiha bnikla naplia lbnia anaša upašTibun mn
 baitaiun umn bit anašaiun šabilun bTuria uđištata maTilhun ulħdaiun
 mautibilhun uTuhmaiun uzidaiun 'l aTmaiun radilhun usahria udaiuia bnia
 anaša d lagTia pagria mSaria ruhia unišmata d miniana lamqabilia usama
 uasuta litlun hu bnura mitahzilun ldahala uldahalata uamarlun hzun
 ziuai d dnja balma ulaiadin d lau ziuu hu ušiTia umašTia balma daiuia d bit
 kiuan numbia ubkitia ħukumta ramilun blibaihun d bnat anaša umn Tabuta
 gazlilun daiuia d bit nirig 'l bnia anaša naplia umšalpilun ubisraiun
 Sarin uzmaiun ašđia barqa umitiqrin šalupia gumria zabia uadidia tum mšiha
 mitiglia bđmuta ħurintia d lbiš nura umkasai nura ugabaruata bnura
 mhauai amun'il šumh u'šu mšiha mahiana rba alnapšia u'l nura hauia škinth
 ubmarkabth mhauai uqaiim qudamaikun amarlun atun uqum luatai ulatibišlun
 ulatihaimanubh aminTul d bħaršia uzipa masgia ħin aliS 'lauaikun amarulh
d lđilak anin ublibaikun lataudubh umn minilat maraikun malka rama
d nhura latikiprun aminTul d mšiha kadaba laglilh kasiata uamar ana hu alaha
 brh d alaha d ab lhaka šadran uamarilkun ana hu šliha qadmaia ana hu ħibil

ziua d mn mruma `tit ulataudubh aminTul d lau hibil ziua hu uhibil ziua lau nura
 lbiš hibil ziua bdara hanath lamitiglia hin'la anuš 'utra atia umasgia
 b'urašlam kd d lbuša d anania mia lbiš ubadmu pagria masgia ulau lbuš pagria
 lbiš hauma urugza litbh uatia bšnia d pilTus malka d alma d anuš 'utra lalma
 atia bhailh d malka rama d nhura masia qirsania umpata `uiria umdakia girbania
 umarim mtabria ušapupia lmasguia umamlil haršia udugia umhaiia mitia
 umhaimin mn iahuTaiia umahuilun d 'it muta u'it hiia u'it hšuka u'it nhura u'it
 T'ia u'it šrara umapiq iahuTaiia 'l šumh d malka rama d nhura tlatma ušitin
 nbihia mn 'urašlam mata napqia bšumh d mara d rabuta d sahdia usaliq anuš 'utra
 uiatib 'l mšunia kušTa ukulhun 'utria mitiksin mn ainaihun d bnia anaša
 uhaizak harub mahuza 'urašlam d iahuTaiia bgluta napqin umitbadran bmidin
 mdin uhaizak atia ahmaT br bizbaT sahra uqala d laqala qaria ubišuta
 napša balma mšauia umašiTlh lkulh kana d nišmata kul man d bhanathh dara batraia
 paiiš ubqala haila ukaluza liardna nipuq bdrabšia drašia d ziua nipqun
 alanpia mn atar nhur naSuraiia d burzinga brišaihun nitirSun nišuilia daria ualmia
 kul mandaia d bkušTa niqum ana manda d hiia `iasim iaminai `lh uSut ušuma
 u'tapraš bhirai usab bzakuta huziua latar nhur uhiia zak'in 'l kulhun
 `ubadia sa

bšumaihun d hiia rbia nukraiia mn almia d nhura iatiria d `lauia ukulhun `ubadia
 asuta uzakuta uhaila ušrara u'mra ušima ušabiq haTaiia nihuilia ldilia

. ulab

. u'l `m . u'l `m hurintia

. u'l zauai .

u'l ahai

. u'l ahai hurinia

. u'l šitlai

. u'l abahatai

. bhazin sidra uninharlun `uSraiun umadaiun umadihtun

utitqan dmauatun uniruzaz parSupaihun uhaka btibil ulhil balmia d nhura unitraS
 šumaihun luat iauar ziua usimat hiia sa